



Tel. 2170



Diario



pa Aruba



DIAHUEBS 4 DI MEI 1961

Nr. 4027

Lanzamiento di prome cohete Mericano

CAPE CANAVERAL, 3 mei. — E lanzamiento di e prome cohete Mericano cu a bordo un homber, cual diamars a ser suspende por 48 ora, muy probable lo no tuma lugar prome diabierna, asina ta ser informa na Cape Canaveral. Un pipa cu oxigeno liquido (vurstof na liquido) na hania un defecto y e reparacion lo dura casi sigur te diabierna.

E corant Ingles „Daily Mail” ta duna critica fuerte riba e publicidat, cu cual e estuersonan Mericano, pa lanza un cohete especial cu abordo un homber, ta ser haci.

Amigunian di Merca cu un sorpresa tristu a observa e lunapark di e prestacion cu mester haci ainda, e sacrificio cu mester haci.

E publicidat cu a ser duna na e vuelo espacial di Merca, ta duna un impresion basta estúpido, ora cu e Rusopian a logra prome lanza un cohete espacial cu un homber a bordo, „New York Herald Tribune”.

„De vez en cuando e intencionan Mericano, cu autorizacion di esnan cu ta responsable, tin e aspecto di un carnaval”.

Suplica di Morin na autoridad Frances

ARGEL, 3 mei. — E representante Frances na Argel, Morin, a pidi pa reforso di polisnan for di Francia, a ser informa oficialmente na Argel.

Polis ta biseando den e capital di Argelia na rebeldean fugitivo y amanan di fuego.

E autoridadnan ta hanja e resultado di e depurificacion te ainda decepcionante a pesar di 586 arrestacionnan cu polis a haci siman pasa.

E autoridadnan especialmente ta preocupa pa e cantidad grandi armanan cu te ainda ta plama entre e poblacion.

E cantidad aki segun calculonan ta igual na e cantidad cu varios regimen- to di paracaidista tin hurto.

Armistico na LAOS ta birando realidad

LONDEN, 3 mei. — Radio di Pathet Lao a ordena tur unidanan pa stop inmediatamente cu tur hostilidad. Nan a haci e yamamento aki awe mainta tempran. Dia Luna anochi mes nan a yega na un acuerdo tocante un armistico na frontera di Vang Vieng, entre e capital Vientiane y residencia real Loang Prabang. Dia Mars nan a tene negociacionnan tocante un alto de fuego den otro sectornan.

Ayera diamars, „Voz di Pathet Lao” a acusa Merca di ta prohibi su Lacayonan, Boen Oem y Phoeni Nosavan. Na nun no bai di acuerdo cu e proposicion di principe Soevana Phoenia, esta pa cuminsa cu negociacionnan.

E maniobranan di negociacionnan di

KUIPERI DEN DIRECTIVA DI C.T.A.

ORANJESTAD — Durante di e conferencia di e „Caribbean Tourist Association” teni recientemente na Caracas, sr. M. S. Kuiperi, hefe di e Arubianse Toeristenbureau, a worde eligi como „Director” di e directiva di C.T.A.

E directiva di C.T.A. ta consisti di 5 miembros, di cualnan 3 for di e miembronan di directiva y 2 for di e otro clase di miembronan, manera hotelnan, companianan di transportacion, etc. E miembronan di directiva di tres pais ta bini awor for di Venezuela, Jamaica y Aruba.

E directiva di C.T.A. actualmente ta forma di e siguiente forma: Presidente, Carlos Padilla (Venezuela), vice-presidente, Sam Levy (Jamaica), secretario, Frank Bell (di Alcoa).

Directornan: M. S. Kuiperi (Aruba) y Ralph Breshears (di e Ass. di Hotel).

(V.L.D.A.)

P.W.F.A. Vlaun: Essencial pa trabau ta e libertad pa organiza bo mes

Hart: „Un batalla perdi, no ta nifica gera perdi!”

SAN NICOLAS — Mas a menos cien hende, entre cualnan un cantidad grandi di trahadarnan di Lago dialuna mainta riba Dia di Obrera tabata presente den e club di PWFA na San Nicolas pa tende e reunion publica aya. Casi tres hora hora largo diez aradares, entre cualnan seis miembronan di directiva a trece varias problemanan di e trahador pa dilanti. „Essencial pa e trahador ta”, segun presidente Vlaun, „su libertad pa organiza su mes”.

Den su discurso sr. Vlaun a muestra com e celebracion di Dia di Obrero cu un dia liber ta un decision di gobierno, cu a worde logra gracias na e esfuerzonan colectivo di PWFA y e federacion di Cosow.

E orador a muestra riba e hopi dificultadnan cu e federacion mester a vence den e ultimo añanan. „Corda sin embargo, cu un sistema di representacion cu ta funciona bon no por worde logra den un bira di man: pa esey tin mester di anjanan”.

Mas positivamente ainda e siguiente orador e secretario general John Hart lo a expresa su mes riba esaki. El a observa: „Tabata dificil y nos a

hanja golpinan pa soporta. Pero un batalla perdi no ta nifica ainda un gera perdi. E cos mas importante cu nos a logra den nos diez añanan di existencia ta en todo caso, cu actualmente nos mag participa den un eleccion liber na Lago.”

Hopi atencion sr. Vlaun a dedica na e valor di relacionnan internacional di un federacion.

„Door di ta afilia na un organizacion internacional di federacionnan nan nos ta den estado di sijnja di e experiancian di otroñan. Ademas nos lidernan di federacion ta worde prepara gratis pa medio di cursonan den exterior.

Materialnan di informacion nos ta hanja manda den gran cantidad for di organizacionnan internacional, asina cu semper nos por tin disposicion riba e metodonan di mas mihor di traha. Como miembro di e organizacionnan internacional nunca ainda nos a paga un cent”. Sr. Vlaun a acentua cu e federacion di Aruba nunca lo bai welga si esaki lo ser e deseo di e organizacion internacional, pero cu alavez lo ta en contra di e interes di Aruba.

A base di un contrato colectivo pa trahau entre Humble Oil, un refinaria Mericano di Standard Oil y e federacion aya, cual tambe tin concecionnan internacional, orador ta afirma, cu sigur no ta herdad ora cu worde afirma cu angun caminda den e organizacion di Standard Oil ta worde delibera cu federacionnan similar. Ademas e presidente di PWFA a muestra cu, escando afor e nainan comunista y dictatorial, e federacionnan tur

caminda di mundo tin nan afiliacion internacional.

Ademas el a sugeri, tur obreronan na Aruba, cu conhuntamente lo por traha den un solo federacion Arubana di trahadornan.

No tin mester di lay-off

Orador ademas a muestra riba e salaronan na Lago, cual mirando nan cerca Humble Oil sigur por bai mas halto („maske nos no tin di keha”). El a opina cu un federacion mester resiti cu tur su forzanan contra cierto trabounan na Lago (laundry, Esso Dinning Hall) y e dunamento di e trabau aki pa particularnan, kendenan ta paga salaronan mucho mas abau cu Lago. Orador a muestra com door di Lago na anja 1960 mas di 15 mijon barrels di azeta a worde exporta door di Lago. El a puntra su mes com no obstante esaki por sigi conta, cu e lay-offnan ta un mester pa por sigi competi riba mercado mundial. El a jama e politica di lay-off den su forma actual necesarior. Tambe e orador a trece padilanti cu e obreronan te ainda ta hanja un salario cu ta mucho abau mirando e ganashi cu Standard Oil ta haci. Manera a ser bisa caba, tabatin hopi otro oradornan, cu a subi escenario. Sr. Dominico Maduro, vice-presidente di PWFA, a informa com tabata e intencion, pa riba e dia aki toca e himno di federacion, cu nan a graba riba un disco. E disco s’ombargo a cai kibra y falta di medionan a haci cu nan no por a laga traha un otro. El a jama e Dia di Obrero un dia pa lubida politica, religion y nacionalidad. El a encurashar pa cooperacion pa solucionna e problemanan. Sr. John Hart a splica cu te ainda e partidario di e plan pa hunto cu LEC lama un federacion nobo. Esaki sin embargo no ta posibel por lo pronto. Na prome lugar pa motibo cu prome dicidi algo riba e asunto aki e miembronan mester worde consulta y na di dos lugar pa motibo cu e federacion tin algun debeman, cu cualnan ainda mester worde cumpli.

Capitalistanan no tin valor

E tesoro Edwin Kappel a hanja cu gobiernu no ta respecta e Dia di Obrero. Tur funcionarionan (el gobiernu) a worde invita pa e reunion publico pero cu excepcion di sr. P. Croes. Lider di e fraccion di PDC, ninun hende a bini. „Mester corda sin embargo

cu ta e trahadornan ta e halor di un pais y no e capitalistanan”. El a pidi e personal di pucus y otroñan pa uni nan mes den un federacion. „A bira tempo caba pa esaki sosode, pasobra ta e ora ey nos por haci algo na e leyman social di Antillas, cu ta 24 anja atrasa. E ultimo revision tabata na 1936”.

Sr. Kappel a hanja cu e cantidad grandi di lay-offnan ta bini pa motibo cu no tin un federacion fuerte pa resiti contra di esey.

Sr. Jacinto Diaz, tambe un miembro di directiva, tambe a expresa cu e anja cu a pasa tabata un anja pisa pa PWFA. „E anja aki nos lo usa un otro tactica: uno mas pacifico. Nos ta sigi lucha te ora nos logra nos intencionnan: es decir cu nos dercehonan worde reconoci”. E sistema di haci distincion entre Hulandesnan y no-Hulandesnan na Lago el a critica masha hopi. Esaki ta trece e separacion y e desarmadun entre obreronan.

Ausencia penoso

E ultimo orador tabata sr. Anibal Rasmijn. El a hanja masha penoso, cu e invitadornan for di eculonan di gobiernu insular no a bini.

„Solamente Fichi Croes, kende semper a juda nos y na kende nos tin di gradici tambe, cu actualmente nos ta celebrando e Dia di Obrero, a bini” (aplausu).

Orador tabata di opinion cu den e ultimo añanan e obreronan na Lago a sufri masha hopi. El a menciona e hecho cu despues di e welga di 1951 tres di su companjeronan a hanja nan retiro, di cualnan dos a worde saca for di e isla. „Y e gobiernu a consen- di den e bagamunderia”. Despues di e ultimo welga na november p.p. atrobe nan a retira 85 persona, entre cualnan dos muher. „Y pakiko”, asina sr. Rasmijn a puntra su mes. „Esaki a sosode pa motibo cu e-hendenan aki a bringa pa e progreso di e obreronan. Orador a opina cu mester bini un fin na e inhostia aki y e tambe a insisti pa union entre e obreronan.

Despues cuator otro persona a haci uso di e gentileza di e directiva di PWFA pa pone e microfono disponibel tambe pa e audiencia cu ainda kien a bisa algo.

Di esaki e.o. sr. P. Croes a haci uso. El a informa cu semper e tabata un simpatizador di PWFA y semper e tabata bini cu e causa di e obreronan.

Sr. Croes a pavia hopi palabranan di curashi y a proyecta e futuro di e federacion contra di e gobiernu democrático y e tricolor nacional. El a hanja un aplauso caluroso mesos cu e otro tres oradornan kendenan a bini expresa dushi asina loke nan tin riba nan corazon.

PROGRAMA DI E CONME- MORACION AWE MAINTA Un minuut di silencio awe nochi

ORANJESTAD — Awe mainta nueb’or lo tin conmemoracion di e victimanan di e segunda gera mundial na e forti Willem II na e skina Oranjestraat—Zoutmanstraat.

1) E programa pa e mainta aki ta cuniza exactamente nueb’or cu e sinjal di „silencio” toca pa e tamboer y pijper di Marinierskazerne. Savaneta. Hizamento halfstok di banderanan na cual e muestra di respeto lo ser duna pa e „gewapende wach” di e Marinierman, mientras cu e „vaandelmann” lo ser to- cu door di e tamboer y pijper. Wilhelmus lo worde toca pa e tamboer y pijper.

2) Discurso pa e Gezaghhebber Interino di Aruba, sr. E. O. Petronia.

Discurso door di Ds. A. H. C. Jacobs.

Discurso door di Rev. Pastoor N. Erkamp.

3) Ponemento di kran door di e Gezaghhebber Interino di territorio insular di Aruba, e comandante di Marinierskazerne Savaneta y persona- e instan- cianan.

4) Tamboer y pijper lo toca e „lap- toe” como conclusion di e ceremoni- anan conmemorativo.

Tur esnan cu kien ta presente awe mainta mester ta na e lugar menciona aki riba no mas laat cu un cuarto pa nuebe. Ta ser suplica tambe na tur e presentenan pa tende e ceremonianan for di sinjal „silencio” te Wilhelmus, den posicion para.

1 minuut silencio

Gobierno ademas kien suplica hen- ter e poblacion di Aruba pa, en con-exion cu e dia di conmemoracion dje victiman di gera, tene awe nochi 7’or exacto 1 minuut di silencio pa recorda esnan cu a fallece den gera.

WEIGHT LIFTING Y MUSICA NA YMCA

SAN NICOLAS — Awor Aruba YMCA tambe tin su propio club di Weight Lifting y durante tres blaha pa siman nan ta practica e deporte interesante aki.

Sr. Nathaniel van Heyningen ta di- gi e grupo aki y ta haciendo un bon trabau cu e futuro body buildernan. E facilidatnan pa practica e deporte aki ta worde entrega pa YMCA mes, y e oportunidad ta habri pa tur miembro adulto cu kien practica e deporte aki.

„Jam Sessions”

Tambe ta marchando pa algun si- man caba un serie di conciertonan tur diabiernes anochi, presenta pa musiconan amateur miembro di YMCA. „Jam Session” nan ta jama e actividad aki, na cual tur persona cu trece un instru- mento musical por tuma parti. Tambe tin e oportunidad pa canta durante di e anochi aki.

HOMENAJE ESPONTANEO NA CONDECORADONAN

ORANJESTAD — Ayera mainta disci- pulonan di Maria College na Oranjestad a duna un homenaje espontaneo na e dos maestranan di school cu recientemente a worde condecora, zuster Dorotea y srta. L. de Cuba.

Esaki a tuma lugar pa mas o menos diez ’or di mainta den curra di school, na unda e muchanan a sorprende e dos damanan cu un ahude y ofrenda flo- ral haci pa L. Tromp y M. Paris.

F A T U M — Tel.: 1845 pa tur bo aseguronan

DAKOTA PREPARANDO PA FIESTA DI FATIMA

DAKOTA — Ayera nochi 7’or a cuniza den Iglesia di Dakota un no-vena como preparacion riba e fiesta di Virgen di Fatima d’a 13 di mei venidero.

Tur anochi, te cu diahuebs 11 di mei (Dia di Ascension), lo tin rezam- ento di Rosario y otro oracion den Misa.

Procesion

Den anochi di 12 pa 13 di mei, exactamente pa 12’or tin procesion lo sali for di Pius X school na pia y cu belagran sendi pa Misa, na unda un sacrificio di Misa lo worde haci na honor di Maria di Fatima, patrona di e parokia di Dakota.

Pastoor Lecuwenberg di e parokia aki ta spera riba asistencia di tur e miembronan di e Confradia di Fatima, tur esnan cu ta venera Virgen Ma- ria y tur e Portuguesnan na nos isla.

FUTBOL

FUTBOL

FUTBOL

ARUBA VOETBAL BOND

ta presenta

AWENOCHI 4 DI MEI PA 7.30 P.M.

den WILHELMINA STADION

SPORTBOYS II vs. UNION II

Finale Reserve-klasse II

Entrada: Tribuna Fl. 0.50

Staanplaats Fl. 0.50

Dos mucha cu un kaartji

FUTBOL

FUTBOL

FUTBOL



Gezaghebber Interino, E. O. Petronia, pegando aki e meda- ja riba pecho di soeur Dorotea, kende a keda condecora como Ridder den Orde di Oranje Nassau.

Boto di piska salba despues di aventura chikito

ORANJESTAD — Mas detalladamente nos ta bini awe riba e boto di piska cu dialuna ultima a sali pa participa den tarneo di peska organiza pa Club Caribe, como parti di e programa pa celebracion di Anja di La Reina. Mane- ra ya ta conoci e boto aki no par a balbe y mesora e busca- y anochi, porfin pa diezun’or y mei e naticia a drenta cu un y anchi, porfin pa diezun’or y mei e naticia a drenta cu un tankero a hanja e cuater piskadornan den e boto. Talvez ta e alarma cu e famianan a haci na tempo a juda cu nan a laga hanja e piskadornan asina liher y evita la pear.

„Santa Maria”

Adri Arends, su ruman chikito Rim- bert y tambe Arie Baptist y Adriaan Wever tabata e cuater hombernan bordo di e boto shinishi di 14 pia cu un „inboard motor”. Cu presenta na start na waaf chikito pa e torneo di Club Caribe, dialuna marduga pa cinc’or. Como cu e boto no tabatin number y pa e motibo ey no por a ser inscribi pa tuma parti, e cuater hombernan den e marduga ey mes a dic di na dumele un number. Cual number cu ta „Santa Maria” a cai na agrado di cada un di nan y pronto e boto aki tambe tabata entre e otro- nan cu a participa.

Despues di a slip pa algun hora dilanti costa Zuid di Aruba, e motor di pronto a dal paga, sin cu e tripu- lantanen por a logra hanja sabi kiko lo tabata e causa.

Y di ey, manera sa sosode den caso- nan anterior, „Santa Maria” a cuniza- za ta drief na compas di e olanan, cu tabata worde carga pa un biento fuerte. Tur esfuerzonan cu a ser haci pa pone e motor funciona atrobe no a sirbi y cada vez Aruba tabata bira mas chikito. „Na un dado momento bto Hoolberg cu un figura vago di e sla nos tabata mira”, Adri Arends, kende a costumbra di bai lamar riba week-end a conta. Ta e tambe tabata esun cu despues di e contratiempo grave aki a coge mando den su man y a cuniza haci e preparacionnan necesario.

Susto pero no deses- peracion

Tur clase di pensamiento a cuniza pas, den cabez di e hombernan. Di e aventuranan leu di agradable cu otro botonan, e peligran cu bo ta corre riba lamar, te na e famianan na cas. E hombernan ya a cuniza reza ca-

ba, de bez en cuando stroba den nan oracion pa bapornan cu tabata pasa den distancia. „Cineo di nan nos a mira riba lamar, pero nan tabata mu- cho leuw”. Adri a conta atrobe Y prosigiendo e ta menciona com nan a purba hala atencion di e bapor cu un bleki bashi, ya cu nan no tabatin un spiel. E hombernan a cuniza pre- para pa hende nan cuero mas caro posibel, ya cu apesar cu nan tabatin susto tog nan no a desespera. E cineo bapornan cu nan a mira pasa a duna- nan brio y nan a sinti cu nan no ta- bato so den e lamar inmeoso. „Un avion tambe nos a mira, pero no e avion cu tabata husea nos”, e capitán di „Santa Maria” a hinka den su his- toria cu el a conta na nos.

E hombernan a sigi prepara pa ano- chi cu tabata acercando. Prome cu esey nan a dicidi na come algo. Nan tabatin un cantidad basta grandi di sandwiches, cu nan a hiba pa durante di e torneo, pero no subiendun cuanto temno na lo keda riba lamar, nan a cuniza parti un hap di pan pa cada uno. Otro regla cu a ser poni tabata tambe cu cada homber ta hanja un snechi di appelsina. E awa, den dos boter di mei gallon, tambe a worde bebi cu masha cuidao.

Flambeu a trece salbacion

Asina cu anochi a cega e tripulan- tanen di „Santa Maria” a cuniza traha. E mesin blekie cu cual nan a duna senjal den dia nan a jena cu gasoline, cu nan tabatin di reserva den un labishan, y sende na candel. Na turno e hombernan tabata tene e ble- kie, mara cu un pida linja na un pida palo, na candel over di e boto. Des- pues di un rato nan tabata tira e con- tenido cu un zwaai largo riba lamar.

Sigl lesn pag. 3



Durante di e reunion riba Dia di Obe- ro den Club Federacion na San Nicolas patuba a ser bini e.o. door di e presi- dente di e club menciona sr. R. Vlaun, kende nos ta mira aki riba.



Sr. H. van de Weide tambe a ricibi e medaja di Ridder den Orde di Oranje Nassau for di man di Gezaghbeber Interino, sr. Petrona.

E matamento den Village trata dilanti Huez

Fiscal a pidi 13 anja contra acusado B.

ORANJESTAD — Despues di a ser aplaza pa dos biaha a tuma luga ayera mainta tratamiento publico di e caso di matamento tres dia prome cu Pascu anja pasa, den Village. A cai victima den e matamento aki, e hoben Curazolenjo Eulogio (Jopie) Victor, ora cu un tal R.B. for di Saba a hinkele cu un cuchu den su pecho. Acusado a reconoce e acusacion contra dje, pero el a bisa tambe cu prome cu esaki e victima a pushele varios biaha. Huez lo duna sentencia aki 3 siman, despues cu fiscal a pidi como castigo 13 anja di prison.

Bau di Influenza

Na momento cu el a punjala su contrario e tabata bau estado di buracheria. E marinero aki di 24 anja, naci na Saba y casi dos anja na Aruba ayera mainta dilanti huez mr. P.A.C. Bondam a keda riba e declaracionnan haci dilanti rechter comisaris.

E cuchu cu cual el a mata Jopie tabata usa pa corta piskanan grandi cu e coge. Djes despues di su jega na Aruba, acusado a sinja conoce e dama N.G., cu kende el a dicidi di keda biha. Pero parece cu acusado ta un persona cu gusta bitter y asina a socede cu frecuentemente tabatin plento entre nan dos. Dos dia prome cu e matamento el a cuminsa hebe atrobe y despues di a plecta atrobe cu e muher, el a dicidi di bandona e cas y bai cerca algun amigonan. E cuchu cu semper e tabata pone riba un balki den dak el a coge bai cunele. Dilanti un cas den un di e cajanen di Village el a sinta warda riba e amigonan.

Mei hora mas o menos e tabata sinti eynan, ora cu el a tende stem di e victima jamele. Acusado tabata mira com e victima tabata acerele. Parce cu e victima a puntele si e tin su cuchu y acusado riba esaki a saca e arma y a mustra e victima cu e palantran. "Look it here".

El a sigi cu su declaracion bisando

Informacion di „Diario Popular“

LOEANDA, 3 mei. — Un correspondente di e diario di Lissabon „Diario Popular“ a informa, cu binti persona a muri durante un atake di terroristanan riba un finca banda di Carmona na Norte Angola.

E victimanan tabata Africanonan, cu a keda e Portuguesnan fiel. E presidente di e partido Nacionalista di Angola, Gilmore, diamars a declara na Tunis, cu e ejercitonan nacionalista na Norte Angola a libera un territorio di tres te cinco cien kilometer cuadra.

Na Tunis nacionalistanan Argelino a duna conseho politico y militar. Un bapor Portugues ayera a bolbe desembarca un contingente di mil militar na Angola.

Fracaso dje invasion na Cuba

KBY WEST, 3 mei. — Radio Havana ta anuncia, cu e lider dje invasion riba Cuba cu a fracasa, capitan Manuel Artime, a worde arresta awe. Te awe el a logra keda scendi den becindario di Bahia de Cochinos, sperando un momento oportuno pe hui bai Merca.

„Albatross“ a zink den Golf di Mexico

TAMPA, 3 mei. — Un bapor di bela di Merca di un largura di 29 pia, Albatross, ayera a sink den Golfo di Mexico den un terrible tempestad.

E bapor „Gran Rio“ di Scheepvaartmaatschappij Suriname na Paramaribo a coge 13 sobreviviente. Un cortazon a declara cu seis persona entre cual esposa di e capitán, a muri, pasobra nan no por a baha for di e bapor. E bapor a sink den un minutu di tempo na 290 kilometer for di Key West.

PETRONA & CROES

Dakota - tel. 1712-1639

PA TUR BLOKKI DI CEMENT

Y BETON



Cu un avion charter di K.L.M. a sali diadomingo mainta for di Aruba e empleadonan di La Esperanza N.V. huntu cu amigonan pa na Bonaire pasa tres dia di vacacion y participa den varios evenotnan deportivo. Aki riba por mira e grupo prome di subi avion.

LA ESPERANZA BON TRATA NA BONAIRE

ORANJESTAD — Diamars anochi a jega Aruba atrobe e delegacion di 61 personas di e supermarketnan di La Esperanza N.V. na Playa y Pos. Ch'kito, despues di a pasa tres dia di berdadero gozo na Bonaire.

Na nan jegaña aya diadomingo mainta mesora nan a coge rumbo pa Fontein, na unda tabatin un picnic cu caha di orgel y disco. E mesun anochi tabatin den club d' ANV un baile pa nan.

Dialuna mainta tabatin oportunidad pa mira e weganan publico na ocasion di Anja di La Reina, m'entras cu atardi tabatin un viahe rond di e isla, na unda e delegacion for di Aruba por a mira e famoso flamingonan y tambe hanja oportunidad pa saca foto. E anochi aki tambe tabatin baile na Club di ANV.

Diamars mainta tempran tabatin weganan deportivo. Den futbol La Esperanza a sufrí derrota di 4-0, pero den mayoria d' otro ramonan di deporte a sali victoriosos.

E trato hanja na Bonaire durante e tres dianan cu nan a pasa aya a pone e directiva di La Esperanza pesa na planca pronto un otro viahe pa e isla di Flam'ngos.

Detencion di terroristanan na Argel

ARGEL, 3 mei. — E cuartel general di e ejercito Frances na Argel ayera nochi a ser participa, cu na Argel un grupo di terrorista, cu ta responsabel pa 19 explosion di bom, a ser detona.

Llamamiento di gobierno Katanges

ELISABETHSTAD, 3 mei. — Ayera gobierno Katanges a haci un yamamento riba Nacionan Uni, pa presidente Chombe di Katanga hanja su libertad inmediatamente. Den e nota e gobierno ta insiti pa organizacion mundial organisa un conferencia mas pronto posibel di lideran Congoles, „consolidacion“ tur parca, a pa no viola ningun derecho di esnan cu ta participa na conferencia.

Walter Loidan e representante permanente di Belgica cerca Nacionan Uni, a entrega un nota di gobierno Belga na Hammarskjöld, den cual Belgica ta exigi liberacion inmediato di cinco Belga, cu ta worde detene na Leopoldstad pa ser interroga.

Esakinan ta consercionan di presidente Chombe, cu a ser aresti algun dia pasa na Coquilshstad y traslada pa Leopoldstad.

Dennis, de Schrik van de Buurt



„Neen, de meid heeft deze keer niets onder de tapijt geschoven“.

„No, e criar no a sconde nada bao di tapijt“.

EILANDGEBIED ARUBA

De wvd. Gezaghbeber van het eilandgebied Aruba maakt bekend, dat de receptie ter gelegenheid van het afscheidsbezoek van Zijne Excellentie de Gouverneur van de Nederlandse Antillen en Mevrouw Eeelenbrink zal plaats vinden op zaterdag 6 mei a.s. des avonds van 8.30 tot 10.00 uur in de Papiaement-room van het Aruba, Caribbean Hotel.

Aruba, 4 mei 1961.

De wvd. Gezaghbeber voornoemd, E. O. PETRONIA.

Avondkleding.

DEPARTEMENT VAN ONDERWIJS

Examen STAATSPRAKTIJKDIPLOMA voor BE-DRIJFSADMINISTRATIE (eerste en tweede gedeelte) te houden in de maand oktober 1961 op Curacao en Aruba.

Kandidaten dienen zich vóór 23 mei 1961 schriftelijk te wenden tot voormeld departement.

DESPUES DI CADA CUMINDA SENDE UN
CORONITAS
E SIGA MAS POPULAR DEN ANTILLAS

KNEM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIP'S NAME	AT ORANJESTAD	FROM	TO:
AMMON	4/5	New York, Curacao	Venezuela, New York
ALGIS	5/5	Europe, Venezuela, Curacao	Venezuela, Gulf.
PR. DER NEDERLANDEN	6/5	Caribbean Cruise	Curacao, Europe
BENNEKOM	9/5	Europe, Venezuela, Curacao	Venezuela, Europe
MEMNON	11/5	New York, Curacao	Venezuela, Gulf
ISIS	12/5	Gulf	Venezuela, Guayana's, Europe.



UN KLOMPI ENORME DI GLAS FOI MAINZ PA OBSERVATORIUM DI CARACAS — Un fabrica di glas den e ciudad aleman di Mainz a basha un pida glas di 940 kilo, foi cual pa e observatorium astronomico di mas nobo na mundo, cu nan ta construyendo na Caracas, nan lo traha un spjel di un meter i mei cu un anchura di 24.4 cm. E klompi di glas mester a queda como 10 seman pa e entria completamente. Nan ta spera cu e spjel nobo lo destapa sospechonan te ainda desconoci p a universo.

HOROSCOPO

21 April — 21 April



Influencianan mescla: un di esquinan ta exigi prudencia, den asuntonan financiero.

21 April — 21 Mei



Tene prudencia den cosnan interesante cu tin aunto di placa meti aden.

22 Mei — 21 Juni



E dia di awe por bira masha interesante cu por tene cambio den bo plannan.

22 Juni — 23 Juli



Warda te anochi prome cu bo tuma un of otro decision riba terreno di amistad.

24 Juli — 23 Augustus



Proposicionnan di otro nan por ta poco riscante pa bo asiti.

24 Augustus — 23 September



Trata na queda un poco reserva y percura pa loque nan cu no a ser termina.

24 September — 23 October



E dia di awe por tene noticianan importante of un desarrollo igual.

24 October — 22 November




E dia di awe por bira masha interesante pa bo. Sea atento y activo.

23 November — 21 December



Tin noticia pa bo. Pero waak bon prome cu esaki no ta redu of cosnan por estilio.

22 December — 20 Januari



Ta facil, pa nan hiba bo riba un camina robez, pa medio di informacionnan.

21 Januari — 19 Februari



No malgasta bo tempo cu cosnan di menos bator y no ta interesa bo.

20 Februari — 20 Maart



Bo mester tene cuidao cu seduction di otro nan y conclusionnan robez.

TE KOOP

16 MM. REVERSE SOUND movie projector

Fl. 300.—

1 sofa

(kan ook als hed gebruikt worden)

Fl. 175.—

P. HENDRIKSTRAAT 20
Tel. 5557 tussen 8.00 en 12.00 uur
a.m. en tussen 5.00 en 7.00 uur p.m.

HBU HBU

Ook voor U:
de HBU

HOLLANDSCHE BANK-UNIE N.V.

WILLEMSTAD • TELEFOON 11340
ORANJESTAD • TELEFOON 1000
SIN REGIO • TELEFOON 1000

ARUBA TRADING CO.

CISCO KID

1. „Mira, Cisco! Tin hende ta bini!“ „Hun! Ta nan...!“
2. „Corre, Panchito! Hiba e hoben riba e ceronan! Mi ta keda aki, pa taha nan!“ 3. E hultonan leeuw ya a eumina giega cerca....



JUAN EL INTREPIDO

1. „Bo qu'er meen cu e camara ey ta un arma... y Nago a disparar contra e premier?“ „No worry, Hazard... lo que ta hecho, ta hecho! Nan a paga mi, pero Hunter a spara mi e trabau!“ 2. Quizas por tin tempo ainda na impide! Pero si mi jega laa, lo m' holbe aki...!“ 3. „Mientras, sa di e horario cu Nago a trece palacio un ora mas tempran, e premier di Rancidur ta acudi na e cita pa su entrevista...“



DICK TRACY

1. „Quizas si mi pega e luznan y signal light... tal vez mi por hila atencion.“ 2. „Oh, con aunte Soso por a haci algo cruel asina?“ 3. „Y e lago cu nos ta drief den dje ta hirando brutal!“ 4. „Quico lo ta di nos si e auto slip for di e capa di ijs? Oh, juda nos.“



RIP KIRBY

1. „Asina ta bo a bandona e caso Lamont, no, Rip?“ „Nunca nos no ta laga un caso un banda, Speed... bo ta trece un pista pa mi?“ 2. „Verdad, laga mi muestra bo un helleza biba y lo bo laga di busca un morio.“ 3. „Detective Kirby, Gattita!“ „Oh! Bo ta quere cu lo e par hantia mi handschoennan?“ „Cu e hantia unjanga ey bo no tin mester di handschoen.“



EL PRECIO DEL TRIUNFO

1. „Mi ta supone cu Walt Boswor tabatin derecho legal pa quita mi tata di haci e trabau ey e tabatin...“ 2. „Pero e 98% di dje tabata cla ora e la worde entrega na un otro! Un luna mas, y mi tata lo tabatin un fortuna y e fama cu e tabata merece!“ 3. „E la bira malo... esey a destrui su energia y e la muri desconsolado! Hantia lo mi perdona e fama Boswor!“



EL DIARIO DE UNA VIDA

1. „Paquico bo ta jama nos idiota?“ 2. „Pasobra hoso ta! Ningun di boso dos tabatin caracter suficiente pa deshaci di e lio cu Tula a arma...“ 3. „Ta un otro muher mester a drécha e asunto!“



PEPITA

1. „Esposa di e hefe a echa di jega y e ta furioso.“ 2. E senjora a corre su esposo te den oficina. 3. „Esey ta proba cu semper lo que mi a hisa...“ 4. „Fras di tur homber cu traua tin un enther.“



Inseguridadnan nobo pa un paz na Laos

MIENTANE, 2 mei — Rey Savang Vattana di Laos, segun ta ser informa, ta contra di un conferencia internacional tocante Laos, Principe Norodom Sihanouk, e hefe di estado di Camboja, a bise na un conferencia di prensa cu el a tene di rey Savang cu esaki ta considera solamente un conferencia di ciudadanonan di Laos, legal e participacion aki ta suma inseguridadnan nobo pa larga un paz na Laos.

Rey Savang Vattana a bise ademá, cu e parlamento Laosiano, den cual principe Soevana Phomma tin asento lo ser inaugura dia diesun di mei y cu e ora ey e parlamento lo eligi un lider di gobierno nobo.

Principe Norodom no tabata hanja masha posible cu un delegacion Laosiano lo bai na e conferencia di Geneve. Esaki si nan tene un conferencia internacional di Laos cayan.

E principe, cu anja pasa a haci proposicionnan pa e conferencia internacional cual segun e actual planman mester tuma luga dia diesdos di mei, a bise cu e ta stop cu tur su esfuerzonan pa e reunion aki como consecuencia di e actitud di rey Savang.

Lucha na frontera di Vang Vieng

Na Laos atera nochi a yega un fion na e lucha den e parti principal di frontera na sur di Vang Vieng, na e caminda entre Vientiane y Loeng Prabang.

Esaki tabata e resultado di e prome contacto extenso entre representantes di e cherechonan derechista y izquierdista. Esaki a ser participa awe na Vientiane.

Opinion di general Phoeni Nasavan

General Phoeni Nasavan, e minister Laosiano di defensa tabata spera qu awe, lo tin mas deliberacionnan pa yega na paro di fuego den enter Laos.

Ta ser spera cu Inglatera y Rusia, si verdaderamente e lucha para na tur fronteranan na Laos, lo manda e comision di tres pais, cu mester tene viabilidad pa na Laos nan cumpli cu e condicionnan di un amistie na Laos inmediatamente.

Oficina Mericano pa aviacion y vuelonan espacial

E director di e oficina Mericano pa aviacion y vuelonan espacial, James Webb, atera a defende su mes contra e critica riba e sistema di publicidad cu ta peca espacial cu Merica ta bise.

El a admiti cu e publicidat aki ta forma un peliger na prestigio di Merica door di fracaso di probanan cu ser cancela delanta. Pero el a bise cu ta asina cos ta pasobra nos ta traha den un comunidad democratico unda tantu fracaso como exito ta ser participa.

Den e barrio unda e prome cohe e cu un Mericano a bordo lo ser lanza tin hop turista ta drumi gen nan auto, ya tur hotelnan ta yen, cu e speranza di por mira e prome cohe espacial un Mericano a bordo.

Our special cake of the week is:

BANANA-LAYER CAKE Fl. 5.00

Delicious Pies a weekend treat for your family

Special fresh Cream-Cake each week Fl. 6.50

ROYAL BAKERY
Tel. 1327
Oranjestad

RAINBO BAKERY
Tel. 5064
San Nicolas



E di cuater persona pa ser condecora diasabra mainta tabata zuster Lucian Maria Koolman, hulpverpleegster na San Pedro Hospitaal. Aki riba sr. Petrona ta pegando e medaja di bronce den Orde di Oranje Nassau.

Comision Interamericana de Derechos Humanos

WASHINGTON, D.C. — La Comisión Interamericana de Derechos Humanos de la Organización de los Estados Americanos (OEA), inició su Segundo periodo de sesiones en la Unión Panamericana, Secretaría General de la OEA, para considerar, entre otras cosas, las comunicaciones o reclamaciones procedentes de los países miembros de la Organización, y adelantar los trabajos comenzados durante el primer periodo de sesiones, que tuvo lugar en octubre de 1960.

El actual periodo de sesiones de la Comisión está presidido por el Dr. Manuel Bianchi Gudián, Chile. Vicepresidente de la misma, en ausencia del titular Dr. Romulo Gallegos, quien no ha podido trasladarse a esta ciudad. La Comisión estudiará también el siguiente temario: Informe del Secretario correspondiente al Primer Periodo de Sesiones; Promedimento a que deben ser sometidas las comunicaciones o reclamaciones; Programa de hecas. Proyecto para el establecimiento de dichas hecas; Comites Nacionales de Derechos Humanos; Tomas del Programa General de Trabajos Comunicaciones a los Gobiernos; Respuestas; Ampliacion de informes a la OEA y a la Undecima Conferencia Interamericana, y la Fecha para el Tercer Periodo de Sesiones.

Entre los puntos del Programa General de Trabajo, la Comisión acordó aprobar en su Primer Periodo de Sesiones, los siguientes temas con sus respectivos relatores: 1. Estudio de los medios adecuados para que la promoción del respeto a los derechos humanos y su consiguiente defensa, que constuyen el mandato de la Comisión, sean eficaces (Dr. Romulo Gallegos); 2. Estudio de las condiciones políticas, económicas y sociales de los países de América que tengan influencia sobre los derechos humanos (Lic. Angela Acuña de Chacon); 3. Relacion entre la promoción y protección de los derechos humanos y el ejercicio efectivo de la democracia representativa (Dr. Durward V. Sandifer); 4. Perfeccionamiento de los procedimientos electorales y medidas que deben adoptarse para asegurar la eficacia practica del derecho de sufragio (Prof. Manuel Bianchi); 5. Estudio de los medios mas eficaces para la protección jurisdiccional de los derechos humanos en los Estados americanos (Dr. Gabino Fraga) y 6. Medidas orientadas al perfeccionamiento y eficacia de los derechos de libertad de investigación, opinión, expresión (Dr. Gonzalo Escudero).

La Subcomisión de Derechos Humanos, — designada previamente por la Comisión durante su primer periodo de sesiones — rindió un informe sobre el procedimiento a seguir en el tramite de las comunicaciones o recomendaciones.

La Subcomisión estuvo integrada por el Dr. Manuel Bianchi, Catedrático de la Universidad de Chile; el Dr. Durward Sandifer y Gonzalo Escudero, de los Estados Unidos y Ecuador, respectivamente.

La Comisión Interamericana de Derechos Humanos queda establecida en cumplimiento de lo dispuesto en la Resolución VIII de la Quinta Reunión de Consulta de Ministros de Relaciones Exteriores que se reunió en Santiago de Chile, en agosto de 1959, con el objeto de promover el respeto a los derechos humanos.

En el cumplimiento de su mandato, la Comisión se ajustará a las disposiciones pertinentes de la Carta de la OEA teniendo presente que conforme a la Declaración Americana de Derechos y Deberes del hombre, los derechos de cada persona estan limitados por los derechos de los demas, por la comunidad de todos y por las justas exelencias del bienestar general y del desenvolvimiento democrático.

Se espera que este Segundo Periodo de sesiones dure de tres a cuatro semanas.



David Niven y jiu ta tumando un paseo na Roma. E famoso actor David Niven, kende ta actua den „Two Enemies“ poco dia pasa, den compania di su jiu David Jr., a tuma un vacacion corto na Italia. Aki nos ta mira nan paseando den Via Veneta na Roma.